



Broj: 07-11-1854/21  
Vogošća, 10.01.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 10.01.2022. godine donio je

**ODLUKU**  
**O IZBORU NAJPOVOLJNIJEG PONUĐAČA ZA PRUŽANJE USLUGE IZRADE IDEJNIH**  
**I GLAVNIH PROJEKATA ZA REKONSTRUKCIJU I IZGRADNJU VODOVODNE I**  
**KANALIZACIONE MREŽE NA PODRUČJU OPĆINE VOGOŠĆA**

**Član 1.**

**LOT 1.**

Ponuda ponuđača "Ibis" d.o.o. Zavidovići, ulica Husein kapetana Gradaševića bb. Zavidovići, odabrana je za pružanje usluge izrade idejnih i glavnih projekata za rekonstrukciju i izgradnju vodovodne mreže na području općine Vogošća, za period 2022-2024. godina, kao prvoplasirana na Rang listi, sa ponuđenom ukupnom cijenom nabavke u iznosu od 22.500,00 KM bez uračunatog PDV-a, odnosno 26.325,00 KM sa uračunatim PDV-om.

**LOT 2.**

Ponuda ponuđača "Ibis" d.o.o. Zavidovići, ulica Husein kapetana Gradaševića bb. Zavidovići, odabrana je za pružanje usluge izrade idejnih i glavnih projekata za rekonstrukciju i izgradnju kanalizacione mreže na području općine Vogošća, za period 2022-2024. godina, kao prvoplasirana na Rang listi, sa ponuđenom ukupnom cijenom nabavke u iznosu od 32.800,00 KM bez uračunatog PDV-a, odnosno 38.376,00 KM sa uračunatim PDV-om.

**Član 2.**

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 09.12.2021. godine donio Odluku o pokretanju Otvorenog postupka nabavke usluge izrade idejnih i glavnih projekata za rekonstrukciju i izgradnju vodovodne i kanalizacione mreže na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 09.12.2021. godine pod brojem: 1353-1-2-222-3-177/21.

Sažetak Obavještenja o nabavci objavljen je u "Službenom glasniku BiH" broj: 76/21 od 17.12.2021. godine.

Tendersku dokumentaciju sa Portala javnih nabavki BiH su preuzela 24 (dvadeset i četiri) ponuđača.

Krajnji rok za dostavu ponuda bio je 27.12.2021. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 27.12.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1854/21 iz decembra 2021, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA	LOT	UKUPNA CIJENA (KM) bez PDV-a	POPUST	CIJENA SA POPUSTOM BEZ PDV-A (KM)	UKUPNA CIJENA (KM) sa PDV-om
1.	"Ibis" d.o.o. Zavidovići	1	22.500,00	/	/	26.325,00
		2	32.800,00	/	/	38.376,00
2.	"Ipsa institut" d.o.o.Sarajevo	1	31.500,00	/	/	36.855,00
		2	64.600,00	/	/	75.582,00
3.	Institut za građevinarstvo "IG" d.o.o. Banja Luka	1	29.240,00	/	/	34.210,80
		2	36.120,00	/	/	42.260,40
4.	"Zavod za vodoprivredu" d.d. Sarajevo	1	15.922,00	/	/	18.628,74
		2	33.201,00	/	/	38.845,17

Detaljnim postupkom pregleda i ocjene ponude, Komisija za javne nabavke je utvrdila da ponude ponuđača za Lot 1:

- "Ibis" d.o.o. Zavidovići,
- "Ipsa institut" d.o.o.Sarajevo,
- Institut za građevinarstvo "IG" d.o.o. Banja Luka i
- "Zavod za vodoprivredu" d.d. Sarajevo

te Ponude ponuđača za Lot 2:

- "Ibis" d.o.o. Zavidovići,
- "Ipsa institut" d.o.o.Sarajevo,
- Institut za građevinarstvo "IG" d.o.o. Banja Luka i
- "Zavod za vodoprivredu" d.d. Sarajevo

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon što je utvrđeno da je ukupna cijena ponude ponuđača "Zavod za vodoprivredu" d.d. Sarajevo za Lot 1-izradu idejnih i glavnih projekata za rekonstrukciju i izgradnju vodovodne mreže na području općine Vogošća, za period 2022-2024. godina u iznosu od 15.922,00 KM bez uračunatog PDV-a neprirodno niska, odnosno da je za više od 20% niža od cijene drugorangirane prihvatljive ponude (22.500,00 KM) ponuđača "Ibis" d.o.o. Zavidovići, Komisija za javne nabavke postupajući u skladu sa članom 66. Zakona o javnim nabavkama BiH ("Službeni glasnik BiH", broj 39/14) i u skladu sa odredbama člana 17. stav 7. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) je aktom broj: 07-11-1854/21 od 04.01.2022. godine zatražila pojašnjenje neprirodno niske cijene ponude ponuđača "Zavod za vodoprivredu" d.d. Sarajevo.

Ponuđač "Zavod za vodoprivredu" d.d. Sarajevo je svojim aktom broj: 02-21-112-19/21 od 05.01.2022. godine dostavio Odgovor na zahtjev za pojašnjenje neprirodno niske cijene za Lot 1 u kojem stoji:

"ovim putem vas obavještavamo da odustajemo od naše ponude jer smo greškom upisali cijenu koja se odnosi na vrijednost predmetnih usluga za jednu godinu, a ne za dvogodišnji period kako je to navedeno u tenderu."

Zbog prethodno navedenog, a u skladu sa odredbom člana 66. stav 1. Zakona o javnim nabavkama BiH ("Službeni glasnik BiH", broj 39/14) ponuda ponuđača "Zavod za vodoprivredu" d.d. Sarajevo za Lot 1-izradu idejnih i glavnih projekata za rekonstrukciju i izgradnju vodovodne mreže na području općine Vogošća, za period 2022-2024. godina se odbacuje i kao takva nije prihvatljiva za ugovorni organ.

Nakon što je utvrđeno da je ukupna cijena ponude ponuđača "Ibis" d.o.o. Zavidovići za Lot 1-izradu idejnih i glavnih projekata za rekonstrukciju i izgradnju vodovodne mreže na području općine Vogošća, za period 2022-2024. godina u iznosu od 22.500,00 KM bez uračunatog PDV-a neprirodno niska, odnosno da je za više od 20% niža od cijene drugorangirane prihvatljive ponude (29.240,00 KM) ponuđača Institut za građevinarstvo "IG" d.o.o. Banja Luka, Komisija za javne nabavke postupajući u skladu sa članom 66. Zakona o javnim nabavkama BiH ("Službeni glasnik BiH", broj 39/14) i u skladu sa odredbama člana 17. stav 7. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) je aktom broj: 07-11-1854/21 od 05.01.2022. godine zatražila pojašnjenje neprirodno niske cijene ponude ponuđača "Ibis" d.o.o. Zavidovići.

Ponuđač "Ibis" d.o.o. Zavidovići je svojim aktom broj: 02-02-IB/21 od 07.01.2022. godine dostavio obrazloženje neprirodno niske cijene koje je Komisija za javne nabavke nakon opsežnog razmatranja jednoglasno prihvatila i uvažila, jer je utvrđeno da je ponuđač dostavio uredno i detaljno obrazloženje razloga ponuđene cijene.

Nakon svega iznesenog, Komisija za javne nabavke je sačinila Rang liste u Otvorenom postupku nabavke usluge izrade idejnih i glavnih projekata za rekonstrukciju i izgradnju vodovodne i kanalizacione mreže na području općine Vogošća slijedi:

**Lot 1-Izrada idejnih i glavnih projekata za rekonstrukciju i izgradnju vodovodne mreže na području općine Vogošća, za period 2022-2024. godina**

<b>R.B.</b>	<b>NAZIV PONUĐAČA/GRUPE PONUĐAČA</b>	<b>UKUPNA CIJENA (KM) bez PDV-a</b>	<b>POPUST</b>	<b>CIJENA (KM)SA POPUSTOM bez PDV-a</b>	<b>UKUPNA CIJENA (KM) sa PDV-om</b>
<b>1</b>	"Ibis" d.o.o. Zavidovići	22.500,00	/	/	26.325,00
<b>2</b>	Institut za građevinarstvo "IG" d.o.o. Banja Luka	29.240,00	/	/	34.210,80
<b>3</b>	"Ipsa institut" d.o.o.Sarajevo	31.500,00	/	/	36.855,00

**Lot 2-Izrada idejnih i glavnih projekata za rekonstrukciju i izgradnju kanalizacione mreže na području općine Vogošća, za period 2022-2024. godina**

<b>R.B.</b>	<b>NAZIV PONUĐAČA/GRUPE PONUĐAČA</b>	<b>UKUPNA CIJENA (KM) bez PDV-a</b>	<b>POPUST</b>	<b>CIJENA (KM)SA POPUSTOM bez PDV-a</b>	<b>UKUPNA CIJENA (KM) sa PDV-om</b>
<b>1</b>	"Ibis" d.o.o. Zavidovići	32.800,00	/	/	38.376,00
<b>2</b>	"Zavod za vodoprivredu" d.d. Sarajevo	33.201,00	/	/	38.845,17
<b>3</b>	Institut za građevinarstvo "IG" d.o.o. Banja Luka	36.120,00	/	/	42.260,40
<b>4</b>	"Ipsa institut" d.o.o.Sarajevo	64.600,00	/	/	75.582,00

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača u Otvorenom postupku nabavke usluge izrade idejnih i glavnih projekata za rekonstrukciju i izgradnju vodovodne i kanalizacione mreže na području općine Vogošća kako slijedi:

- LOT 1 - "Ibis" d.o.o. Zavidovići, kao prvoplasiranom na Rang listi, sa ponuđenom ukupnom cijenom nabavke u iznosu od 22.500,00 KM bez uračunatog PDV-a, odnosno 26.325,00 KM sa uračunatim PDV-om;
- LOT 2 - "Ibis" d.o.o. Zavidovići, kao prvoplasiranom na Rang listi, sa ponuđenom ukupnom cijenom nabavke u iznosu od 32.800,00 KM bez uračunatog PDV-a, odnosno 38.376,00 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

**Izradio:** Mirza Čutura

Mirza Čutura

**Kontrolisala:** Melisa Kršo

Melisa Kršo

Dostavljeno:

1. "Ibis" d.o.o. Zavidovići
2. "Ipsa institut" d.o.o. Sarajevo
3. Institut za građevinarstvo "IG" d.o.o. Banja Luka
4. "Zavod za vodoprivredu" d.d. Sarajevo
5. Nadležnoj Službi
6. U dosije
7. a/a

032/866-469

033/276-355

051/348-372

033/728-622



OPĆINSKI NAČELNIK

Edin Smajić  
Edin Smajić